



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿՐԹՈՒԹՅԱՆ, ԳԻՏՈՒԹՅԱՆ, ՄՇԱԿՈՒՅԹԻ
ԵՎ ՍՊՈՐՏԻ ՆԱԽԱՐԱՐ
ՀՐԱՄԱՆ

No 1825-Ն/2

«14» սեպտեմբեր 2023 թ.

ՀԱՆՐԱԿՐԹԱԿԱՆ ՈՒՍՈՒՄՆԱԿԱՆ ՀԱՍՏԱՏՈՒԹՅՈՒՆՆԵՐԻ 5-ՐԴ
ՂԱՍԱՐԱՆԻ «ՕՏԱՐ ԼԵՂՈՒՆԵՐ» ՈՒՍՈՒՄՆԱԿԱՆ ԲՆԱԳԱՎԱՌԻ ԵՐՐՈՐԴ
ՕՏԱՐ ԼԵՂՎԻ ԱՌԱՐԿԱՅԱԿԱՆ ԾՐԱԳԻՐԸ («ԳԵՐՄԱՆԵՐԵՆ»)
ՀԱՍՏԱՏԵԼՈՒ ՄԱՍԻՆ

Ղեկավարվելով «Հանրակրթության մասին» օրենքի 30-րդ հոդվածի 1-ին մասի 1-ին կետով՝

ՀՐԱՄԱՅՈՒՄ ԵՄ

1. Հանրակրթական ուսումնական հաստատությունների 5-րդ դասարանի «Օտար լեզուներ» ուսումնական բնագավառի երրորդ օտար լեզվի առարկայական ծրագիրը («Գերմաներեն»)՝ համաձայն հավելվածի:
2. Սույն հրամանն ուժի մեջ է մտնում պաշտոնական հրապարակմանը հաջորդող օրվանից:

9/14/2023

ԺԱՆՆԱ ԱՆԴՐԵԱՅԱՆ

ՆԱԽԱՐԱՐ՝

Signed by: ANDREASYAN ZHANNA 6402810169



Հավելված
ՀՀ կրթության, գիտության,
մշակույթի և սպորտի նախարարի
2023 թվականի սեպտեմբերի 14-ի
N 1825-Ա/2 հրամանի

ԵՐՐՈՐԴ ՕՏԱՐ ԼԵԶՎԻ ԱՌԱՐԿԱՅԱԿԱՆ ԾՐԱԳԻՐ

ԳԵՐՄԱՆԵՐԵՆ

5-ՐԴ ԴԱՍԱՐԱՆ

(շաբաթական 1,5-2 ժամ)

Նախաբան

Երրորդ օտար լեզվի չափորոշիչի և ծրագրի մշակման համար հիմք են հանդիսացել Հանրակրթության պետական նոր չափորոշիչի (ՀՊՉ) և «Օտար լեզուներ» ուսումնական բնագավառի չափորոշիչն ու ծրագրերը:

Երրորդ օտար լեզվի ուսուցման նպատակներն են՝ Լեզուների իմացության եվրոպական շրջանակի (ԼԻԵՃ) **A1** և **A2** մակարդակներին համապատասխան հաղորդակցվելու հմտությունների զարգացումը, այլ մշակույթների ճանաչումը, սովորողների մտահորիզոնի ընդլայնումը, նրանց տրամաբանական, ստեղծագործական և քննադատական մտածողության զարգացումը:

Ուսուցման և ուսումնառության բովանդակության հիմքում ընկած են մի քանի կարևոր դրույթներ, մասնավորապես՝

1. օտար լեզուն առաջնայնորեն հաղորդակցության միջոց է,
2. օտար լեզուն ուսումնառության և ճանաչողական կարողությունների զարգացման միջոց է,

3. օտար լեզվով հաղորդակցումը աշխարհճանաչման, ինքնաճանաչման և այլ մշակույթների ճանաչման հիմնական միջոցն է:

Երրորդ օտար լեզվի ուսուցումը սկսվում է 5-րդ դասարանից նախաայբբենական շրջանով: Նախաայբբենական շրջանը կառուցվում է բանավոր խոսքի հիման վրա: Բանավոր դասընթացը կարող է ուղեկցվել այբուբենի տառերի պատկերների ծանոթացմամբ:

Նախաայբբենական շրջանը կարող է ներառել բանավոր խոսքի ձևավորմանը նպաստող կարճ երկխոսություններ, բանաստեղծություններ, երգեր, խաղեր, պատատուներ, համապատասխան տեսալսողական միջոցներ և այլն:

Այս փուլի հիմնական նպատակը հետաքրքրությունների ձևավորելն է երրորդ օտար լեզվի ուսումնառության նկատմամբ: Այդ տարիքի սովորողներն արդեն ունեն որոշակի հաղորդակցական հմտություններ, որոնք թույլ են տալիս շփվել միմյանց հետ նոր օտար լեզվով: Բանավոր դասընթացին հաջորդում է հիմնական մասը: Ելնելով թեմատիկայի և այն ուսումնասիրելու համար անհրաժեշտ լեզվակյութի փոխկապվածությունից և փոխալսմանավորումից՝ թեմատիկ շրջանակն ընտրվել է հաշվի առնելով Լեզուների իմացության եվրոպական շրջանակի (ԼԻԵՇ) **A1** և **A2** մակարդակների համար նախատեսված թեմատիկան և Հանրակրթության պետական նոր չափորոշչով հիմնական դպրոցի կրթական աստիճանի համար սահմանված վերջնարդյունքները:

Սույն ծրագիրը նախատեսված է հանրակրթական դպրոցների կողմից ընտրված երրորդ օտար լեզվի (գերմաներեն, անգլերեն, ֆրանսերեն) ուսուցման համար: Այլ լեզու ընտրելու դեպքում հիմք են հանդիսանում ծրագրում նշված թեմատիկան, նպատակներն ու վերջարդյունքները, որոնք կարող են տեղայնացվել՝ կիրառելով համապատասխան քերականություն և բառապաշար:

Վերջանարդյունքներին հասնելու համար ուսումնական նյութերի ընտրությունը թողնվում է ուսուցչին. դրանք կարող են լինել ինչպես գործող դասագրքերը, այնպես էլ **A1** և **A2** մակարդակներին համապատասխան այլ ձեռնարկները և առցանց տարբեր նյութեր:

Ծրագրում ներկայացված միջառարկայական կապեր բաժնում նշված տարբեր առարկաներից ուսուցիչը ընտրում է այն առարկան, որն առավելագույնս խաչվում է օրվա դասի թեմայի հետ:

Երրորդ օտար լեզվի ուսուցման նպատակները

Հիմնական դպրոցում երրորդ օտար լեզվի ուսուցման նպատակն է՝

1. ԼիԵՇ-ի **A1, A2** մակարդակներին համապատասխան հաղորդակցական կարողությունների զարգացումը,
2. կրթական տվյալ մակարդակին, թեմային և հաղորդակցական իրադրությանը համապատասխան լեզվական գիտելիքի (բառապաշար, քերականություն, ուղղագրություն, արտասանություն) զարգացումը,
3. սովորողների մոտ այլ լեզուների և մշակույթների հանդեպ հետաքրքրության սերմանումը:

Երրորդ օտար լեզվի ուսուցման վերջնարդյունքները.

Հաղորդակցություն

1. Լսել և հասկանալ իրեն ծանոթ առօրյա թեմաներով հնչող պարզ, հստակ և դանդաղ խոսքը:
2. Կարդալ և հասկանալ իրեն ծանոթ առօրյա թեմաներով պարզ տեքստի հաղորդած տեղեկությունները և հիմնական բովանդակությունը:
3. Համառոտ նկարագրել իրեն, իր շրջապատը, իր առօրյան:
4. Շարադրել պարզ համառոտ տեքստ իր, իր շրջապատի, առօրյայի մասին:
5. Սկսել երկխոսություն իրեն ծանոթ թեմայով՝ արձագանքելով իրեն ուղղված հարցերին: Արտահայտել համաձայնություն կամ անհամաձայնություն՝ տալով պարզ պատասխաններ կամ խնդրելով հստակեցումներ:
6. Կիրառել տվյալ մակարդակին, թեմային և հաղորդակցական իրադրությանը համապատասխան լեզվական գիտելիք (քերականություն, բառապաշար):

1. Մշակութային վերջնարդյունքներ

Արժեքներ

1. Ճանաչել համաշխարհային մշակութային բազմազանությունը, ժառանգությունը և

արժեքները:

2. Գիտակցել բազմալեզու կրթության դերը՝ որպես գլոբալ աշխատաշուկայում հաջողության գրավական:

3. Կարևորել համակեցության նախապայման հանդիսացող արժեքները (ընկերասիրություն, հարգանք, մարդու իրավունքներ, ժողովրդավարություն և այլն):

Վերաբերմունք

1. Ցուցաբերել հարգալից, հոգատար և պատասխանատու վերաբերմունք այլ ազգությունների, նրանց մշակույթների նկատմամբ:

2. Ցուցաբերել հետաքրքրություն այլ երկրների և մշակույթների ճանաչման նկատմամբ:

Նորմեր, կանոններ

1. Իմանալ լեզվակիր երկրի մշակութային առանձնահատկությունները:

2. Ճանաչել մշակույթով/ժամանակով պայմանավորված կենցաղի մի շարք նորմեր (հագուստ, սնունդ և այլն):

3. Ճանաչել ուսումնասիրվող լեզվով հաղորդակցության նորմերը և պահպանել դրանք այդ լեզվով հաղորդակցվելիս:

Հետաքրքրություններ/Նախասիրություններ

1. Դրսևորել հետաքրքրություն ուսումնասիրվող լեզվի երկրների մշակութային արժեքների հանդեպ:

2. Ճանաչել ուսումնասիրվող լեզվի երկրի հասակակցի հետաքրքրություններն ու նախասիրությունները:

2. Զննական և ստեղծարար միտք

Միտք

1. Ձևակերպել կապակցված միտք արտահայտող պարզ խոսք:

2. Բերել պարզ հիմնավորումներ:

3. Ընտրել, ստեղծել և կիրառել մտքերն արդյունավետ կերպով ներկայացնող տեսողական միջոցներ:

Տրամաբանական կապեր

1. Դասավորել մտքերը միմյանց հետ փոխկապակցվածությամբ (ընդհանուր/մասնավոր, պատճառ/հետևանք)՝ ճիշտ լեզվական միջոցների կիրառմամբ:

Վերլուծություն

1. Դասակարգել թեմայի շուրջ ստացված տեղեկությունները:

2. Նշել ազգային և համաշխարհային մշակույթների նմանություններն ու տարբերությունները:

Առաջընթաց

1. Արձագանքել ուսուցչի պարզ հրահանգներին:

2. Բերել պարզ հիմնավորումներ, մտքեր և մեկնաբանել դրանք:

1. Ո՞վ եմ ես, ազգություններ, իմ ազգությունը
2. Իմ ընկերները, դպրոցում
3. Ընտանիք
4. Կենդանիներ
5. Ուտելիք, խմիչք, գնումներ
6. Տարվա եղանակ, արձակուրդներ

Բանավոր ներածական մաս

Չիմնական նպատակը

1. **Ներմուծել** առօրյա շփումներում ծանոթության, ողջույնի և հրաժեշտի տարրական արտահայտություններ:
2. **Ծանոթացնել** աշակերտներին ուսուցչի՝ օտար լեզվով հնչող պարզ խոսքին ու հրահանգներին:
3. **Չարգացնել** ծանոթության, ողջույնի և հրաժեշտի տարրական արտահայտությունները համատեքստում կիրառելու հմտություն:
4. **Ներմուծել** պարզ բառապաշար՝ փոքրիկ երկխոսությունների, խոսքային պարզ կառույցների, ոտանավորների, երգերի և այլնի միջոցով:

ԹԵՄԱ 1

Ո՞վ եմ ես, ազգություններ, իմ ազգությունը

Չիմնական նպատակը

1. **Ներմուծել** ոչ ավելի քան 10 տառ:
2. **Ներմուծել** և զարգացնել իրեն ներկայացնող պարզ բառեր, արտահայտություններ:
3. **Ներմուծել** մի շարք երկրների, քաղաքների, համապատասխան ազգությունների և լեզուների անվանումները:
4. Ծանոթացնել վանկերից բառեր և բառակապակցություններ կազմելու հնարներին:
5. **Ներմուծել** և **ամրապնդել** թեմային համապատասխան քերականական կյուրթը:

Վերջնարդյունքներ

Գիտելիք: Թեմայի ավարտին աշակերտը պետք է իմանա՝

1. որոշ երկրների, ազգությունների, լեզուների, քաղաքների (ուսումնասիրվող լեզվի երկրի/ների մայրաքաղաքների) անվանումները,
2. պարզ նախադասությունների կազմությունը՝ ըստ նմուշ-օրինակի,
3. թեմային համապատասխան պարզագույն քերականական կյուրը:

Լեզվական կարողություններ: Թեմայի ավարտին աշակերտը պետք է կարողանա՝

1. լսել և հասկանալ «Ազգություններ» թեմայով պարզ և կարճ մենախոսության, երկխոսության (ձայնագրություն, տեսահոլովակ) ընդհանուր բովանդակությունը,
2. պարզ բառերով և կարճ նախադասություններով ներկայանալ՝ նշելով իր ազգությունը, բնակության վայրը և մայրենի լեզուն,
3. գրել բառեր ուսուցանված տառերով,
4. տալ ազգությանը, բնակության վայրին վերաբերվող պարզ հարցեր և պատասխանել իրեն ուղղված պարզ հարցերին /երկխոսություն/,
5. **դրսևորել հարգալից վերաբերմունք աշխարհի այլ երկրների, ազգությունների, լեզուների հանդեպ և ցուցաբերել դրանք ուսումնասիրելու հետաքրքրություն:**

Բովանդակություն

1. Ազգություններ, երկրներ, լեզուներ
2. Որտեղի՞ց եմ ես

Առաջարկվող գործունեության ձևեր

1. Տեսահոլովակի դիտում/քննարկում:
2. Պաստառ «Իմ հայրենիքը», ուսումնասիրվող լեզուների երկիր/երկրներ, ազգություններ, լեզուներ, հարևան երկրներ:
3. Դերախաղ:
4. Տառային քարտերով խաղ:
5. Ազգության վերաբերյալ փոքրիկ բանաստեղծություններ, խաղեր, երգեր, տեսահոլովակներ:

Միջառարկայական կապեր

Մայրենի: Դիտել տեսանյութ տարբեր ազգություններին պատկանող երեխաների մասին և

գտնել նմանություններ և տարբերություններ իր և նրանց մշակույթների միջև:
Կերպարվեստ: Պատկերել տարբեր ազգություններին պատկանող դրոշներ:
Տեխնոլոգիա: Պատրաստել որևէ ազգության ավանդական ուտելիք:

ԹԵՄԱ 2	
Ես և իմ ընկերները, դպրոցում	
Հիմնական նպատակը	
<ol style="list-style-type: none"> Ներմուծել ուսուցանվող լեզվի տառեր (ոչ ավելի քան 10): Ներմուծել և ամրապնդել ընկերներին, ընկերությանը, ծանոթությանը, դպրոցին, դպրոցական առօրյան ներկայացնող թեմատիկ բառապաշարը: Ներմուծել և ամրապնդել իրեն, իր ընկերներին ներկայացնող շատ պարզ և կարճ արտահայտություններ: Ծանոթացնել վանկերից բառեր և բառակապակցություններ կազմելու հնարներին: Ներմուծել և ամրապնդել թեմային համապատասխան պարզագույն քերականական կյուլթը: Ձևավորել վերաբերմունք ընկերության ու ընկերասիրության կարևորության հանդեպ: 	
Վերջնարդյունքներ	
<p><u>Գիտելիք:</u> Թեմայի ավարտին աշակերտը պետք է իմանա՝</p> <ol style="list-style-type: none"> ուսուցանված տառերի գրությունը, դրանց հնչյունային արտաբերման տարբերակները/օրինաչափությունները անհրաժեշտ նվազագույն թեմատիկ բառապաշարը, թեմային համապատասխան պարզագույն քերականական կյուլթը: 	<p><u>Լեզվական կարողություններ:</u> Թեմայի ավարտին աշակերտը պետք է կարողանա՝</p> <ol style="list-style-type: none"> հասկանալ ծանոթության, ընկերների, դպրոցի, դպրոցական առօրյայի մասին հնչող պարզ և կարճ խոսքը, կարդալ և հասկանալ պարզ արտահայտություններով ու նախադասություններով կազմված կարճ տեքստեր՝

	<p>ընկերության/ընկերասիրության, ծանոթության, դպրոցի, դպրոցական առօրյայի մասին,</p> <p>3. պարզ բառերով և կարճ նախադասություններով տեղեկություններ հաղորդել իր, իր դասընկերոջ կամ բակի ընկերոջ մասին,</p> <p>4. գրել ուսուցանված տառերով բառեր և արտահայտություններ,</p> <p>5. պարզ հարցերի և պատասխանների միջոցով ծանոթություն հաստատել,</p> <p>6. արժևորել ընկերությունը ու ընկերասիրությունը:</p>
--	---

Բովանդակություն

1. Իմ դասընկերները
2. Մեր դպրոցը
3. Իմ դպրոցական առօրյան

Առաջարկվող գործունեության ձևեր

1. Դերախաղ (ծանոթություն բակում, գրադարանում/միջանցքում), դպրոցում:
2. Աշխատանք նկարներով և քարտերով:
3. Դերախաղ՝ «Իմ դպրոցական առօրյան»:
4. «Իմ դպրոցական առօրյան»:

Թեմայով փոքրիկ բանաստեղծություններ, խաղեր, երգեր, տեսահոլովակներ:

Միջառարկայական կապեր

Մայրենի: Դիտել ֆիլմ ընկերասիրության վերաբերյալ և քննարկել այն, Նկարագրել դպրոցական առօրյան:

Երաժշտություն: Ունկնդրել և երգել ընկերասիրության վերաբերյալ երգեր:

Կերպարվեստ: Պատկերել իր ընկերոջը:

Տեխնոլոգիա: Պատրաստել դպրոցական պարագաներ:

ԹԵՄԱ 3

Ընտանիք

Հիմնական նպատակը

1. **Ներմուծել** ուսուցանվող լեզվի տառեր (ոչ ավելի քան 10),
2. **Ներմուծել** ընտանիքի անդամները անվանող բառապաշար, պարզ նախադասություն կազմելու համար անհրաժեշտ կառույցներ, համապատասխան քերականական պարզ կյուլթ:
3. **Ճանոթացնել** վանկերից բառեր և բառակապակցություններ կազմելու հնարներին:
4. **Չարգացնել** շատ պարզ լեզվական միջոցներով ընտանիքը և առօրյան ներկայացնելու հմտություններ:
5. **Խթանել ընտանիքի անդամների նկատմամբ հոգատար և հարգալից վերաբերմունք:**

Վերջնարդյունքներ

Գիտելիք: Թեմայի ավարտին աշակերտը պետք է իմանա՝

1. ուսուցանված տառերի գրությունը, դրանց հնչյունային արտաբերման տարբերակները/օրինաչափությունները,
2. ընտանիքի անդամների անվանումները, ընտանեկան առօրյան նկարագրող բառեր և արտահայտություններ,
3. թեմային համապատասխան պարզ քերականական կյուլթ:

Լեզվական կարողություններ: Թեմայի ավարտին աշակերտը պետք է կարողանա՝

1. հասկանալ ընտանիք թեմայով հնչող շատ պարզ և կարճ խոսքը,
2. կարդալ պարզ տառակապակցություններ, բառեր և պարզ նախադասություններ,
3. ներկայացնել իր ընտանիքի անդամներին շատ պարզ նախադասություններով,
4. գրել ուսուցանված տառերը, ընտանիքի անդամների անվանումները,
5. ընտանիք և ընտանեկան առօրյա թեմայով տալ շատ պարզ հարցեր և պատասխանել իրեն ուղղված հարցերին,
6. **դրսևորել հոգատար և հարգալից վերաբերմունք ընտանիքի**

	անդամների նկատմամբ:
Բովանդակություն	
7. Ընտանիքի անդամներ 8. Մեր ընտանիքի առօրյան	
Առաջարկվող գործունեության ձևեր	
1. Երկխոսություն: 2. «Իմ ընտանիքը» պաստառի պատրաստում: 3. Աշխատանք նկարով (պատմել, նկարագրել և այլն): 4. Ընտանեկան առօրյայի մասին փոքրիկ բանաստեղծություններ, խաղեր, երգեր, տեսահոլովակներ:	
Միջառարկայական կապեր	
Մայրենի: Ներկայացնել իր և ընկերների առօրյան՝ գտնելով նմանություններ ու տարբերություններ: Կերպարվեստ: Պատկերել իր ընտանիքը կամ ընտանիքի անդամներից որևէ մեկին: Երաժշտություն: Ունկնդրել և երգել ընտանիքի վերաբերյալ երգեր: Ես և շրջակա աշխարհը: Խոսել իր և ընտանիքի անդամների առողջության պահպանման կանոնության մասին:	

ԹԵՄԱ 4
Կենդանիներ
Հիմնական նպատակը
1. Ներմուծել կենդանիների անվանումները և նրանց բնութագրող բառապաշար: 2. Չարգացնել պարզ արտահայտություններով ընտանի և վայրի կենդանիներին բնութագրելու հմտություն: 3. Ներմուծել թեման նկարագրող պարզ և կարճ արտահայտություններ: 4. Ներմուծել և ամրապնդել թեմային համապատասխան քերականական պարզ կյուլթը: 5. Ձևավորել հոգատար վերաբերմունք կենդանիների հանդեպ:
Վերջնարդյունքներ

Գիտելիք: Թեմայի ավարտին աշակերտը պետք է իմանա՝

1. ընտանի և վայրի կենդանիների անվանումները, նրանց հատկանիշները բնորոշող բառապաշարը,
2. թեմային համապատասխան պարզ քերականական կյուլթը:

Լեզվական կարողություններ: Թեմայի ավարտին աշակերտը պետք է կարողանա՝

1. լսել և հասկանալ ընտանի և վայրի կենդանիներին վերաբերող շատ պարզ հոլովակի հիմնական բովանդակությունը,
2. ընթերցել և հասկանալ ընտանի և վայրի կենդանիներին վերաբերող շատ պարզ և կարճ տեքստերի բովանդակությունը,
3. գրավոր նկարագրել իր սիրած կենդանուն՝ գործածելով շատ պարզ նախադասություններ,
4. շատ պարզ հարցեր տալ կենդանիների մասին և պատասխանել դրանց,
5. **դրսևորել ինամք և հոգատար վերաբերմունք կենդանիների հանդեպ:**

Բովանդակություն

1. Ընտանի կենդանիներ
2. Վայրի կենդանիներ
3. Իմ սիրելի կենդանին

Առաջարկվող գործունեության ձևեր

1. Աշխատանք նկարներով և քարտերով:
2. Պաստառ՝ «Իմ սիրելի կենդանին», «Իմ սիրած կենդանին», պաստառի ներկայացում:
3. Մուլտֆիլմի/տեսահոլովակի դիտում:
4. Երգ, բանաստեղծություն, հանելուկ, երկխոսություն:

Միջառարկայական կապեր

Մայրենի: Գրել կարճ շարադրանք սիրելի կենդանու/կենդանիների վերաբերյալ:
Ես և շրջակա աշխարհը: Դիտել տեսանյութ կենդանիների հանդեպ հոգատար վերաբերմունք ցուցաբերելու վերաբերյալ և քննարկել այն:
Կերպարվեստ: Պատկերել սիրելի կենդանուն:

Երաժշտություն: Լսել և երգել կենդանիների մասին երգ:

Թեմա 5

Ուտելիք, խմիչք, գնումներ

Հիմնական նպատակը

1. **Ներմուծել** սննդամթերքի անվանումներ, սպասքի պարագաները ներառող, ինչպես նաև սննդամթերքի, հագուստի և խանութների տեսակներին առնչվող բառապաշար:
2. **Ներմուծել և ամրապնդել** թեմային համապատասխան քերականական պարզ կյուլթը:
3. **Ներմուծել** սնվելու ժամերը նկարագրող պարզ և կարճ արտահայտություններ:
4. **Շեշտադրել առողջ սննդին հետևելու կարևորությունը:**

Վերջնարդյունքներ

Գիտելիք: Թեմայի ավարտին աշակերտը պետք է իմանա՝

1. սննդամթերքի տեսակները, սպասքի պարագաները անվանող բառապաշարը,
2. իր նախաճաշը/ճաշը/ ընթրիքը ներկայացնելու պարզ նախադասություններ,
3. առողջ և ճիշտ սնվելու ռեժիմը,
4. թեմային առնչվող քերականական պարզ կյուլթ,
5. խանութում գնումներ կատարելու քաղաքավարության պարզ ձևերը և արտահայտությունները (խնդրել որևէ սննդամթերք, հագուստ, հարցնել գինը, վճարման ձևը):

Լեզվական կարողություններ: Թեմայի ավարտին աշակերտը պետք է կարողանա՝

1. լսել և հասկանալ սննդամթերքի տեսակների և գնումների մասին պարզ խոսքը
2. ընթերցել և հասկանալ կարճ, պարզ տեքստեր՝ առողջ սննդի, ճիշտ սնվելու սպասքի պարագաների և գնումների մասին
3. շատ կարճ և պարզ նախադասություններով նկարագրել իր սիրած ուտելիքը/ըմպելիքը, ասել իր նախընտրած հագուստի տեսակը, գույնը
4. կազմել գրավոր տեքստ իր սնվելու

--

ռեժիմի և գնումների վերաբերյալ՝ գործածելով շատ պարզ արտահայտությունների և կառույցներ

5. պատասխանել սնվելու ռեժիմի և գնումների մասին պարզ հարցերին և փոխադարձ հարցեր ուղղել գրուցակցին

6. Կարևորել առողջ սնունդը և ճիշտ սնվելու ռեժիմը:

Բովանդակություն

1. Սննդամթերք
2. Սպասքի պարագաներ
3. Իմ նախաճաշը/ճաշը/ընթրիքը
4. Խանութում
5. Հագուստ, կոշիկ գնելիս

- Առաջարկվող գործունեության ձևեր**
1. Աշխատանք քարտերով և նկարներով:
 2. Խմբային աշխատանք «Ճաշացանկի պատրաստում»:
 3. Մուլտֆիլմի/տեսահոլովակի դիտում:
 4. Երգ/Բանաստեղծություն:
 5. Երկխոսություն:
 6. Հանելուկ:
 7. Դերախաղ:

Միջառարկայական կապեր

Մայրենի – Գրել բանջարեղենային/մրգային աղցանի բաղադրատոմս: Դիտել տեսանյութ գնումներ կատարելիս:

Ես և շրջակա աշխարհը – Բացատրել առողջ սննդակարգի կարևորությունը:

Կերպարվեստ – Պատկերել սննդի և գնումների ցուցակ:

Տեխնոլոգիա – Պատրաստել սրճարանի կամ ռեստորանի մենյու:

Մաթեմատիկա – Հաշվարկել օրվա գնումների ծախսը:

--

Թեմա 6

Տարվա եղանակ, օրվա եղանակ, արձակուրդներ
--

Հիմնական նպատակը

- | |
|---|
| <ol style="list-style-type: none">1. Ներմուծել տարվա եղանակների և օրվա եղանակին, ինչպես նաև արձակուրդին առնչվող բառապաշար և թեմային համապատասխան պարզ քերականություն:2. Ձևավորել օրվա եղանակի, արձակուրդի վերաբերյալ բանավոր տեղեկատվության ընկալման հմտությունները:3. Չարգացնել օրվա եղանակի և արձակուրդի մասին տեղեկատվություն փոխանակելու կարողություններ:4. Ձևավորել տարվա և օրվա եղանակին համապատասխան հագուստ կրելու կարևորության գիտակցություն: |
|---|

Վերջնարդյունքներ

<p><u>Գիտելիք:</u> Թեմայի ավարտին աշակերտը պետք է իմանա՝</p> <ol style="list-style-type: none">1. թեմային բնորոշ բառապաշարը,2. թեմային համապատասխան պարզ քերականական կյուրթը:3. շաբաթվա օրերը, տարվա տասներկու ամիսները,4. տարվա 4 եղանակները, արձակուրդները:

<p><u>Լեզվական կարողություններ:</u> Թեմայի ավարտին աշակերտը պետք է կարողանա՝</p> <ol style="list-style-type: none">1. լսել և հասկանալ օրվա եղանակի, արձակուրդների մասին տեղեկատվությունը2. շատ կարճ նախադասություններով նկարագրել տարվա և օրվա եղանակը կամ արձակուրդը3. պարզ նախադասություններով գրել տեքստ իր նախընտրած եղանակի կամ արձակուրդի մասին4. շատ կարճ նախադասություններով գրուցել տարվա եղանակների կամ

	<p>արձակուրդի մասին, 5. պարզ նախադասություններով վարել շատ կարճ երկխոսություն իր և իր ընկերների արձակուրդների վերաբերյալ:</p>
--	--

Բովանդակություն

1. Տարվա չորս եղանակները
2. Իմ սիրելի եղանակը
3. Բնության երևույթները
4. Արձակուրդներ

- Առաջարկվող գործունեության ձևեր**
1. Պաստառ-տարվա չորս եղանակները:
 2. Այց պատկերասրահ՝ քննարկում:
 3. Համապատասխան եղանակի պատկերում դասական երաժշտության ներքո (Վիվալդիի Տարվա 4 եղանակները, Չայկովսկի):
 4. Պաստառ:
 5. Երգ:
 6. Տեսանյութ արձակուրդ թեմայով

Միջառարկայական կապեր

Մայրենի – Նկարագրել տարվա եղանակները, օրվա եղանակը:
 Գրել նամակ ընկերոջը՝ պատմելով իր անմոռանալի արձակուրդների մասին:

Կերպարվեստ – Պատկերել տարվա յուրաքանչյուր եղանակին համապատասխան հագուստ: Պատկերել իր ամառային/ձմեռային արձակուրդները:

Երգ – Լսել և երգել տարվա եղանակների մասին երգ:

Ես և շրջակա աշխարհ – Դիտել ուսուցողական տեսանյութ տարվա և օրվա եղանակների մասին և քննարկել դրանց համապատասխան հագնվելու կարևորությունը:

Das Programm ist nach dem DACHL – Prinzip entwickelt
 Grammatik wird nicht isoliert von der sprachlichen
 Anwendung unterrichtet, sondern stets in ihrem Kontext.

Դասարան	Թեմաներ	Քննարկարարություն	Քերականություն
5-րդ դասարան	<p>Նախաայբբենական շրջան</p> <p>1. Ո՛վ եմ ես, ազգություններ, իմ ազգությունը</p> <p>2. Իմ ընկերները, դպրոցում</p> <p>3. Ընտանիք</p> <p>4. Կենդանիներ</p> <p>5. Ուտելիք, խմիչք, գնումներ</p> <p>6. Տարվա եղանակ, արձակուրդներ</p>	<p>Das Alphabet (A - Z), Buchstabenverbindungen, Diphthonge</p>	<p>Personalpronomen: <i>ich, du, er/sie/es, wir, ihr, sie /Sie</i></p> <p>Possessivpronomen: <i>mein(e), dein(e), sein(e) ihr(e), unser(e), euer/eure, ihr(e)/Ihr(e)</i></p> <p>Aussagesätze W-Fragen Ja/Nein Fragen</p> <p>Verbkonjugation: <i>ich, du, er/sie/es, wir, ihr, sie/Sie</i></p> <p>Bestimmter Artikel: <i>der, die, das /die Pl./</i></p> <p>Unbestimmter Artikel: <i>ein, eine, ein</i></p> <p>Negativpronomen im Nominativ: <i>kein, keine, kein</i></p> <p>Verneinung mit nicht</p> <p>Präsens: regelmäßige Verben auf- s- z-ß-t-d</p> <p>Konjunktionen: <i>und, auch, aber, oder</i></p> <p>Genitiv-s bei Eigennamen</p> <p>Die Präposition: <i>von</i>(Zugehörigkeit)</p> <p>Ortsangaben: <i>in, aus</i></p> <p>Adjektive: <i>Positiv</i></p> <p>Präsens: <i>unregelmäßige Verben</i> Verben: <i>sein, haben</i></p> <p>Wortstellung Deklination mit Akkusativ</p> <p>Modalverben: <i>können, mögen(möchte)</i></p>

			<p>Das Adverb: <i>dann</i> Die Zeitangabe: <i>am</i> Adverbien: <i>immer, oft</i></p> <p>Ordinalzahlen</p>
--	--	--	---

ՕԳՏԱԳՈՐԾՎԱԾ ԳՐԱԿԱՆՈՒԹՅԱՆ ՑԱՆԿ

1. Հանրակրթության պետական չափորոշիչ, Երևան, 2021թ.
2. Հանրակրթական ընդհանուր ծրագրի «ՕՏԱՐ ԼԵՉՈՒՆԵՐ» բնագավառի 2-12-րդ դասարանների չափորոշիչ և ծրագիր, Երևան, 2021թ.
3. Common European Framework of Reference for Languages: Learning, Teaching, Assessment, Cambridge University Press, Modern Languages Division, Council of Europe, Strasbourg, 2001. Available at <https://rm.coe.int/1680459f97>